

Broj: 02/1-33-12044/21  
Tuzla, 09.04.2021. godine

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, broj: 17/00, 1/05, 11/06, 13/11 i 15/17), a u vezi sa Zaključkom broj: 02/1-33-4331/21 od 09.03.2021. godine, Vlada Tuzlanskog kantona na sjednici održanoj 09.04.2021. godine, d o n o s i

## **ZAKLJUČAK**

Usvaja se Naredba Kriznog štaba Ministarstva zdravstva Tuzlanskog kantona predložena na sjednici održanoj dana 09.04.2021. godine, kako slijedi:

1. Usvajaju se naredbe i preporuke Kriznog štaba Federalnog ministarstva zdravstva od 08.04.2021. godine.
2. Naredbe i preporuke donesene od strane Kriznog štaba Ministarstva zdravstva Tuzlanskog kantona donesene u ranijem periodu, koje se odnose na ugostiteljske objekte i javni prevoz, ostaju na snazi do daljnjeg.
3. Posjete domovima za stara i iznemogla lica na području Tuzlanskog kantona obustavljaju se do daljnjeg.
4. Obustava izvođenja praktične nastave za sve učenike i studente koju istu obavljaju u javnim i privatnim zdravstvenim ustanovama na području Tuzlanskog kantona osim za studente XII semestra Medicinskog fakulteta (klinički staž) se nastavlja do daljnjeg.
5. Obustavlja se i dalje izvođenje hladnog operativnog programa u svim javnim i privatnim zdravstvenim ustanovama bolničkog nivoa na području Tuzlanskog kantona.
6. Traži se od Kantonalne uprave za inspeksijske poslove Tuzlanskog kantona da izvrši pojačanu kontrolu poštivanja tačke 5. Naredbe, koja se odnosi na zabranu izvođenja hladnog operativnog programa u svim javnim i privatnim zdravstvenim ustanovama bolničkog nivoa na području Tuzlanskog kantona, te da o obavljenoj kontroli izvijesti Ministarstvo zdravstva Tuzlanskog kantona u roku od 15 dana.
7. Pružnje specijalističko – konsultativnih zdravstvenih usluga bolničkog i vanbolničkog nivoa obezbjediti u skladu sa potrebama građana, uz uvažavanje ljudskih i tehničkih mogućnosti ustanova u trenutnim epidemiološkim uvjetima.
8. Traži se od svih javnih i privatnih zdravstvenih ustanova da tokom radnog procesa striktno poštuju i nadziru preporučene epidemiološke mjere, uključujući i prisustvo pacijenata na otvorenom prostoru van objekata.
9. Od Kantonalne uprave za inspeksijske poslove Tuzlanskog kantona, nadležnih gradskih/općinskih inspekcija i Uprave policije Tuzlanskog kantona traži se nastavak intenzivnih aktivnosti u smislu kontrole provedbe donesenih naredbi, sa akcentom na kladionice i ugostiteljske objekte.

10. Traži se od Ministarstva obrazovanja i nauke da, i dalje, na univerzitetima, visokoškolskim ustanovama, u srednjim školama i osnovnim školama (redovne i paralelne osnovne i srednje škole) za razrede od 6. do 9. primjenjuje online model organiziranja nastave. Nastava u osnovnim školama od razreda 1. do 5. će se odvijati po ranije utvrđenom principu rada. Predškolske ustanove i ustanove za rad sa djecom sa posebnim potrebama nastavljaju sa radom.
11. Zabranjuje se obavljanje svih vannastavnih aktivnosti (dodatna nastava, kursevi, škole stranih jezika, treninzi u zatvorenom prostoru i sl.). Preporučuje se upotreba online alata za edukaciju, te organizovanje trenažnih procesa na otvorenom.
12. Zabranjuju se do daljnjeg sportsko rekreativne aktivnosti u zatvorenom prostoru izuzimajući treninge i takmičenja sportskih klubova koji učestvuju u takmičenjima na kantonalnom, federalnom i državnom nivou.
13. Traži se od svih javnih zdravstvenih ustanova na teritoriji Tuzlanskog kantona da osiguraju mogućnost uzimanja briseva na SARS-CoV-2 svih sedam dana u sedmici, u skladu sa potrebama građana, kapacitetima ustanova i procjenom higijensko-epidemioloških službi.
14. Preporučuje se nadležnim kantonalnim organima da obezbijede finansijska sredstva za nabavku potrošnog i drugog materijala i opreme neophodnog za okončanje procesa vakcinacije stanovništva na području Tuzlanskog kantona.
15. Traži se od Ministarstva trgovine, turizma i saobraćaja da, u saradnji sa autoprevoznicima, razmotri mogućnost uvođenja dodatnih linija javnog prijevoza radi smanjenja epidemiološkog rizika.
16. Nalaže se privatnim zdravstvenim ustanovama na teritoriji Tuzlanskog kantona koje obavljaju bolnički tip liječenja da u skladu sa odredbama Federalnog ministarstva zdravstva osiguraju 30% kapaciteta za smještaj COVID pacijenata.
17. Traži se od RTV TK i ostalih medija čiji su osnivači gradovi i općine da, u skladu sa mogućnostima, u što kraćem roku sačine proaktivnu medijsku kampanju koja se odnosi na popularizaciju preventivnih epidemioloških mjera i promociju vakcinacije, te istu učine dostupnom svim drugim medijima za prezentaciju.
18. Zabranjuje se izvođenje muzike uživo u ugostiteljskim objektima na teritoriji Tuzlanskog kantona.
19. Zabranjuje se konzumacija nargile u ugostiteljskim objektima.
20. Ugostiteljskim objektima se preporučuje dominantno korištenje kapaciteta na otvorenom (bašte) uz poštivanje važećih epidemioloških mjera.
21. Nalaže se inspekcijskim organima kontrola aktivnosti u oblasti usluga PCR testiranja u javnim i privatnim ustanovama, a u smislu prijave podataka o broju dnevno testiranih pacijenata prema Zavodu za javno zdravstvo Tuzlanskog kantona, kao i podataka o pozitivnim slučajeva nadležnim HE službama.
22. Traži se od inspekcijskih organa da pojačaju nadzor u provođenju važećih epidemioloških mjera i u privrednim subjektima koji zapošljavaju veći broj ljudi. Navedeno se naročito odnosi na one dijelove organizacije rada gdje dolazi do izrazitih kršenja epidemioloških mjera (dolazak na posao, odlazak, radni proces).

23. Traži se od Uprave policije Tuzlanskog kantona pojačani nadzor osoba kojima je izrečena mjera izolacije/zdravstvenog nadzora od nadležnih organa u smislu poštivanje iste.
24. Naređuje se svim javnim zdravstvenim ustanovama da vrše postupak vakcinacije svih građana sa teritorije grada/općine, bez obzira na status njihovog osiguranja.
25. Traži se od gradonačelnika/načelnika svih lokalnih samouprava da aktiviraju rad kriznih štabova na lokalnom nivou, što se naročito odnosi na potrebu materijalne, logističke i druge podrške za realizaciju procesa masovne vakcinacije.
26. Zahtijeva se od nadležnih institucija države BiH promptno djelovanje u smislu uvođenja obaveze posjedovanja negativnog PCR testa starog maksimalno 48 sati, ili dokaza o prebolovanoj bolesti ili serološkog nalaza koji to potvrđuje datumom izdavanje ne starijim od 6 mjeseci, za ulazak na teritoriju BiH, za sve strane državljane i državljane BiH koji imaju prebivalište u drugim državama.
27. Traži se od Kantonalne uprave za inspekcijske poslove da predloži izmjenu zakonskih rješenja u oblasti inspekcijske djelatnosti koja bi omogućila jačanje kapaciteta navedenih institucija u kontroli sprovedbe epidemioloških mjera.
28. Preporučuje se nadležnim kantonalnim organima, kao i gradovima i općinama na području Tuzlanskog kantona, kao osnivačima zdravstvenih ustanova da, hitno iznađu načine finansiranja i omoguće angažovanje raspoloživih, a potrebnih zdravstvenih radnika u zdravstvene ustanove na području Tuzlanskog kantona, u skladu sa sistematizacijom i potrebama ustanova, kroz raspoložive modalitete prijema u uvjetima pandemije, uz saglasnost osnivača.
29. Traži se od gradova i općina na području Tuzlanskog kantona da, u skladu sa naredbom o standardima i normativima zdravstvene zaštite iz obaveznog zdravstvenog osiguranja, preuzmu dio finansiranja higijensko-epidemiološke djelatnosti u zdravstvenim ustanovama čiji su osnivači (do 10 %).
30. Traži se od gradova i općina na području Tuzlanskog kantona da hitno pristupe zapošljavanju potrebnog broja sanitarnih inspektora.
31. Ove Naredbe se primjenjuje od 10.04.2021. godine, a važe do 16.04.2021. godine, izuzev mjera i preporuka od broja 26. do broja 30. koje su opšteg karaktera i važe do njihovog izvršenja.
32. Zadužuje se Ministarstvo zdravstva da ovaj Zaključak dostavi na uvid i dalje postupanje svim dole navedenim organima i institucijama.

**DOSTAVITI:**

- 1 x Gradovi/Općine na području TK**
- 1 x KUIP TK**
- 1 x MUP TK**
- 1 x Uprava policije TK**
- 1 x JZU/PZU na području TK – sve**
- 1 x Svim ministarstvima**
- 1 x ZZO TK i ZZJZ TK**
- 1 x Sredstvima informisanja**
- 1 x a/a**



**PREMIJER KANTONA**

**Kadrija Hodžić**